



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 41. Concilia in Africa.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

quam Patriarchæ Constantinopolitano, Sæculum VII
 quia non fuerat legitime depositus. O. A. C. 646.
 mnia quoque ad eum sustentandum ne- Act. Mart.
 cessaria ex ærario Ecclesiæ Romanæ sup- to. 6. Conc.
 peditavit. p. 72.

§. XLI.

Concilia in Africa.

Pirri Retractatio quibusdam Conciliis
 celebrandis in Africa anno 646. Indi-
 ctione quarta occasionem præbuit. Tres
 Primates, Columbus Numidiæ, Stepha-
 nus Byzacenæ, & Reparatus Mauritanæ
 communem Epistolam Synodicam ad
 Theodorum Papam nomine omnium E-
 piscoporum illarum Regionum dederunt,
 in qua, postquam summam Sacræ Sedis
 Auctoritatem (*) professi sunt, querun-
 tur, Constantinopoli novam Doctrinam
 prodiisse; nempe Ectesin vulgatam. Tum
 subjungunt: *Credebamus, hunc errorem*
a te fuisse abolitum, sed cognovimus, eum
a multis pertinaciter defendi, dum Fra-
tris

(*) Ipsa verba hujus Epistolæ sunt: *Anti-*
quis Regulis sancitum est, ut quidquid, quam-
vis in remotis vel in longinquis positis agere-
tur Provinciis, non prius tractandum vel ac-
ciendum sit, nisi ad notitiam Almx Sedis
Vestræ fuisset deductum. Quid ad hoc Testi-
monium iterum Protestantes?

Seculum VII *tris Nostri Pirrbi Libellum tibi oblatum*
A. C. 646. *legimus. Quare litteris ad Paulum, bo-*
die in Sede Constantinopolitana colloca-
tum, datis instantissime rogavimus, ut
novum errorem rejiceret, & quia non
nulli malæ fidei homines nostram Provin-
ciam Africæ Constantinopoli suspectam
reddere conati sunt, mittimus tibi Epi-
stolam nostram ad Paulum datam, rogan-
tes, ut eam per Legatorum tuorum ma-
nus deferri jubeas, atque sic videamus, an
ad Fidem Orthodoxam rediturus sit. Si
dissimulet, uteris consulto remedio, &
contumacem ab Ecclesiæ corpore rescin-
des. Ceterum excusare cogimur, quod
congregatis in singulis Provinciis Conci-
liis, cum Legationem Episcoporum ad te
adornaturi essemus, ob improvisam rerum
vicissitudinem, id facere non potueri-
mus; sed hanc Epistolam universalem
mittimus, & rogamus, ut boni consulas,
quod urgente necessitate facimus. Vi-
cissitudo, cujus Episcopi Africæ men-
tionem faciunt, verisimiliter non est alia,
quam motus excitati a Gregorio Patri-
cio illi Provinciæ Præfecto, qui eodem
anno 646. Constantis Imperatoris quinto
perduellis defecit.

Theoph. p.
l. 285.

to. 6. Conc.
p. 133.

Non habemus Epistolam istorum Con-
 ciliarum ad Paulum Constantinopoli-
 tanum datam, sed illa superest, quam
 Synodus Byzacena ad Imperatorem de-
 dit,

dit, rogavitque, ut novi erroris scandala-
 lum tolleret, & Paulum Constantinopo-
 litanum ad amplectendum totius Eccle-
 siæ Fidem compelleret. Huic Epistolæ
 Stephanus Primas & Episcopi quadra-
 ginta duo subscripserunt.

Sæculum VII
 A. C. 646.

Episcopi quoque Provinciæ Procon-
 sularis, in qua Carthago sita erat, data
 ad Paulum Constantinopolitanum Epi-
 stola, Ectesin damnarunt, & Fidem de
 Trinitate & Incarnatione in compendio
 professi sunt, quam Professionem clau-
 serunt in hunc modum: *Confitemur in*
Jesu Christo Naturam Humanam, Vo-
luntatem, & Operationem plenissimam,
id est, dari in eo duas Naturas, &
duas Voluntates Naturales, sicut Ecclesia
Catholica docet, & semper docuit. His
 ad probandam istam Doctrinam subjun-
 gunt multos Textus Patrum, nempe S.
 Ambrosii & S. Augustini. Huic Episto-
 læ subscripserunt Episcopi triginta & o-
 cto, quos inter Nomen Episcopi Cartha-
 ginensis non visitur; unde vel obitu vel
 Depositione Fortunii, qui Factionem Mo-
 nothelitarum sequebatur, Sedes vacasse
 creditur. Id saltem exploratum est,
 Fortunium tempore, quo Paulus sede-
 bat, Constantinopolim ivisse, & Missam
 in Magna Ecclesia, tanquam in illius Com-
 munionem existentem celebrasse. Illud
 quoque constat, decimo septimo Cal.

t. 6. p. 137.

Conc. 6. art.
 14. p. 984.
 to. 7.

H 2

Aug.

Sæculum VII Aug. Indictione quarta, id est, eodem
A. C. 646. anno, decimo sexto Julii, Victorem Ar-
to. 6. p. 152. chiepiscopum Carthaginensem fuisse or-
 dinatum, & sine mora de Ordinatione
 sua Theodorum Papam certiozem reddi-
 disse, data Epistola Synodica, quam E-
 piscopo Melloso Gissipensi, Diacono Re-
 dempto, & Crescituero Notario feren-
 dam commisit. Rogabat Papam, ut eos,
 antequam turbida hyems ingrueret, do-
 mum remitteret. In illa Epistola Victor
 se, sicut ceteros Episcopos Africæ, Mo-
 nothelitarum Hæresin rejicere testatur,
 rogatque Pontificem, ut his malis me-
 deatur, promittens, nunquam se ab ejus
 partibus discessurum. Tum subjungit:
*Eadem ad Fratrem nostrum Paulum Con-
 stantinopolitanum scribere potuissimus,
 sed nolimus, scientes, quod improbi ho-
 mines Provinciam nostram Africæ ca-
 lumniati fuerint.* Haud dubie de Re-
 bellione Gregorii Patricii ipsi sermo est.
 His addit: *Rogamus, ut per tuos Lega-
 tos ad Paulum mittas, quæ ipsi Provin-
 ciæ nostræ Episcopi scripserunt.* Inde
 dispicimus, hanc Victoris Epistolam sta-
 tim post præcedentem fuisse scriptam.

§. XLII.

Musulmanni in Africa.

Musulmanni, cum Gregorius Patricius
 ab Imperatoribus defecisset, capta-
 ta